

MINISTARSTVO ZA URBANIZAM, PROSTORNO UREĐENJE I ZAŠTITU OKOLICE

PROGRAM RADA ZA 2004. GODINU

Poslovi u Ministarstvu prostornog uređenja i zaštite okolice u 2004. godini, bit će usmjereni na izvršavanje poslova iz nadležnosti Ministarstva. U prvom kvartalu 2004. godine, posebne aktivnosti bit će usmjerene na reorganizaciju Ministarstva u skladu sa Zakonom o izmjenama i dopunama Zakona o ministarstvima i drugim organima uprave. Naime, navedenim zakonom predviđeno je da u sastav Ministarstva uđu dvije upravne ustanove i to, Direkcija za zaštitu okolice i Zavod za prostorno planiranje i urbanizam. U skladu sa novom reorganizacijom Ministarstva pristupit će se izradi novog Pravilnika o sistematizaciji poslova u Ministarstvu.

U oblasti prostornog uređenja i gradnje aktivnosti će biti usmjerene na završetak poslova na izradi Prostornog plana Tuzlanskog kantona, a u sklopu istih posebna pažnja bit će posvećena izradi II faze studija koje služe kao podloga za izradu Prostornog plana. Nakon izrade II faze studija bit će nužno organizovati rad revizionih komisija.

Posebne aktivnosti bit će usmjerene na izradu prijedloga Zakona o gradnji kao i Uputstva o legalizaciji bespravno izgrađenih objekata.

Rok: nakon donošenja federalnog Zakona o izmjenama i dopunama Zakona o gradnji

Nosilac posla: pomoćnik ministra za prostorno uređenje i gradnje i sekretar Ministarstva

U oblasti prostornog uređenja takođe će se raditi i na:

- pracenju i kontroli donošenja prostorno-planske dokumentacije po općinama,
- kontroli provođenja prostorno-planske dokumentacije po općinama,
- učešću u izradi projektnih zadataka - provedbenih planova od značaja za Kanton, a u saradnji sa općinskim službama,
- izdavanju urbanističkih saglasnosti, građevinskih dozvola i upotrebni dozvola iz nadležnosti Ministarstva,
- rješavanju po žalbama u drugostepenom upravnom postupku,
- pracenju novih propisa i standarda iz oblasti prostornog uređenja i gradnje,
- stručnom usavršavanju iz oblasti prostornog uređenja i gradnje.

U toku 2004. godine, nastaviti će se saradnja sa stručnom komisijom obrazovanom za oblast urbanizma u postupcima izdavanja urbanističko-građevinske dokumentacije iz nadležnosti Kantona.

Imajući u vidu da je zaštita životne sredine interes svih stanovnika Kantona, to će se u cilju očuvanja, zaštite, obnove i poboljšanja ekološkog kvaliteta i kapaciteta životne sredine, kao i poboljšanja kvaliteta života u 2004. godini pristupiti donošenju novih propisa iz oblasti zaštite okolice koji će biti usaglašeni sa federalnim propisima iz oblasti zaštite okolice donešenim u julu 2003. godine.

Nakon uvida u donešeni federalni set zakona zaključeno je da se usklađivanje kantonalnih zakona sa federalnim zakonima ne može odraditi kroz izmjene i dopune postojećih kantonalnih zakona, nego je neophodno pristupiti donošenju novih pet zakona.

Iz tog razloga, planira se da se tokom 2004. godine donesu novi zakoni za oblast zaštite okolice, koji će biti usklađeni sa donesenim federalnim zakonima, i to:

- Zakon o zaštiti okolice,
- Zakon o zraku,
- Zakon o zaštiti prirode,
- Zakon o otpadu i
- Zakon o ekološkom fondu.

Zakon o ekološkom fondu

Nosilac posla: pomocnik ministra za zaštitu okoline i prirode i sekretar
Rok: Mart 2004.godine

Zakon o zaštiti okoline

Nosilac posla: pomocnik ministra za zaštitu okoline i prirode i sekretar
Rok: Juni 2004.godine

Zakon o otpadu

Nosilac posla: pomocnik ministra za zaštitu okoline i prirode i sekretar
Rok: Septembar 2004.godine

Zakon o zaštiti prirode

Nosilac posla: pomocnik ministra za zaštitu okoline i prirode i sekretar
Rok: Novembar 2004.godine

Iz razloga što u sklopu seta zakonskih propisa koji je donešen na nivou Federacije BiH nije donešen Zakon o buci, a zbog ukazanih potreba planira se donošenje

Zakona o buci

Rok: mart 2004. godine
Nosioći posla: Pomocnik ministra za zaštitu okoline i sekretar

Ukoliko Vlada kantona, donese odluku da se pristupi realizaciji projekta "Proglašenja dijelova planine Konjuh zašticenim dijelom prirode, radit ce se i na donošenju:

- Zakona o proglašenju dijelova planine Konjuh zašticenim dijelom prirode.

Rok: nakon donošenja odluke Vlade
Nosilac posla: pomocnik ministra za zaštitu okoline i prirode i sekretar

U skladu sa podzakonskim aktima koja se donesu na nivou Federacije BiH, tamo gdje bude ostavljena mogucnost da Kanton može donijeti svoja akta, donijet ce se potrebna podzakonska akta na nivou Kantona, posebno ona koja se odnose na standarde i normative (Pravilnici, Uredbe, Odluke).

Federalnim Zakonom o otpadu, stvorena je obaveza kantonima za donošenje:

- propisa o izradi općinskih planova upravljanja otpadom,
- propisa kojim se uređuje osnivanje i rad komunalnih preduzeca za otpad i obaveze općina u pružanju komunalnih usluga,
- propisa kojim ce se urediti vršenje poslova javnih usluga , posebno servisa za selektivni tretman otpada.

Rok: septembar
Nosilac posla: pomocnik ministra za zaštitu okoline i prirode i sekretar

U okviru obavljanja poslova iz oblasti zaštite okoline radit će se na:

- izdavanju ekoloških saglasnosti za zahvate (privredne objekte) koji se imaju namjeru graditi kao i za postojeće zahvate na području Kantona;
- izdavanje stručnih mišljenja o uskladenosti Investicionih programa sa zakonskim aktima iz oblasti zaštite okoline, po zahtjevu privrednih subjekata u postupku traženja i odobravanja kreditnih sredstava od domaćih banaka;
- izdavanje svih drugih stručnih mišljenja po zahtjevu privrednih subjekata, koji se odnose na oblast zaštite okoline.

Služba inspekcijskog nadzora će kontinuirano vršiti inspekcijски nadzor kod privrednih subjekata u skladu sa postojećim zakonskim aktima i to po pitanjima:

- primjene postojećih zakonskih propisa,
- obezbjeđenja ekoloških saglasnosti,
- procjena kvaliteta emisija koje se ispuštaju u zrak, vode i tlo i postupanja sa otpadom.

I u toku 2004. godine nastaviti će se rad na uspostavljanju katastra zagadivaca sa područja Kantona, koji u toku svog rada emitiraju zagadenje u okolicu. Posebna pažnja bit će posvećena obuhvatanju katastrom, do sada neregistriranih zagadivaca, ali i inoviranju svih dosadašnjih podataka koji su unešeni u katastar.

U toku ove godine, radit će se i na uvođenju katastra svih općinskih deponija komunalnog otpada, u cilju prikupljanja svih relevantnih podataka, koji se odnose na dosadašnji način odlaganja otpada i upravljanja deponijama.

Isto tako, planirano je da se nastavi registracija i kontrola rada svih subjekata na području Kantona, koji u sklopu svojih djelatnosti vrše prikupljanje i postupanje sa opasnim otpadom.

U sklopu priprema izrade strategije i programa zaštite okoline na području Kantona, u skladu sa zakonskim propisima koji su doneseni na nivou Federacije BiH, u cilju obezbjeđenja potrebnih podloga i podataka planira se izrada Elaborata o procjeni uticaja na okolicu za područje kantona. Elaboratom bi se obradili osnovni elementi kao:

- postupanje sa komunalnim otpadom,
- postupanje sa industrijskim neopasnim otpadom,
- postupanje sa opasnim otpadom (medicinskim, kalonickim, industrijskim i dr.),
- zagadenje zraka (definiranje većih izvora emisija u zrak),
- zagadenje voda (definiranje većih izvora zagadenja),
- zagadenje tla,
- mogućnost akcidentnih stanja i dr.

Izrada Elaborata, zbog svoje složenosti, trebala bi biti povjerena nekoj od verificiranih institucija u oblasti zaštite okoline uz angažiranje saradnika Ministarstva. Troškovi izrade Elaborata bi trebali ići na teret Direkcije za zaštitu okoline.

Aktivno će se nastaviti rad, sa drugim Vladinim institucijama, na zapocetim projektima iz oblasti zaštite okoline, posebno na:

- projektu proširenja "Sistema za procjenu kvaliteta zraka na području Tuzlanskog kantona", koji je instaliran početkom 2003. godine. Posebna pažnja će se posvetiti analizi i interpretaciji podataka dobivenih iz Sistema, u cilju definiranja glavnih emitera zagadenja zraka,
- projektu "Zaštite akumulacije Modrac", koji je od posebnog značaja za Kanton, iz razloga očuvanja kvaliteta vode akumulacije Modrac kao izvorišta vode za pice,
- projektu "Regionalne deponije krutog otpada", u dijelu obezbjeđenja potrebnih podloga za izgradnju deponije i u postupku donošenja svih saglasnosti i dozvola za lokaciju deponije,
- projektu "Proglašenje dijelova planine Konjuh zaštićenim dijelovima prirode", i to u postupku donošenja Zakona (Odluke) o proglašenju od strane Vlade i Skupštine Kantona.

U toku ove godine radit će se i na drugim poslovima koji proizilaze iz oblasti zaštite okoliše, kao što su:

- saradnja sa Direkcijom za zaštitu okoliše, na zadacima iz oblasti zaštite okoliše,
- pružanje pomoći kod donošenja programa LEAP-a na nivou općina Kantona,
- na saradnji sa nevladinim organizacijama (NVO) kada je u pitanju problematika zaštite okoliše,
- na saradnji sa svim međunarodnim institucijama koje djeluju u Bosni i Hercegovini, u cilju aplikacije projekata iz oblasti zaštite okoliše i obezbjeđenja donatorskih ili kreditnih sredstava,
- učestvovanje na svim javnim skupovima koji se odnose na oblast zaštite okoliše, posebno kada je u pitanju problematika zaštite okoliše na Kantonu.

Obzirom da se implementacija imovinskih zakona privodi kraju, te da su nadležne općinske službe zaključno sa 31.12.2003.godine, dužne postupiti po svim zahtjevima podnesenim za povrat stana, to će Ministarstvo svoje aktivnosti u stambenoj oblasti u 2004.godini, svesti na završetak poslova iz 2003. godine.

Za izvršenje poslova u Ministarstvu u 2004. godini, potrebno je obezbijediti na ime tekucih i kapitalnih izdataka iznos od 1.999.400,00 KM i to za tekuće izdatke 787.900,00 KM, a za kapitalne izdatke iznos od 984.300,00 KM.

MINISTAR

Jadranka Mirašćić, dipl.pravnik